



Uwezo Juu ya Dhoruba

Akaamka, akaukemea upepo, akaiambia bahari, Nyamaza, utulie. Upepo Aukakoma, kukawa shwari kuu. Akawaambia, Mbona mmekuwa waoga? Hamna imani bado?—**Marko 4:39, 40.**

Ilikuwa siku yenye matukio mengi katika maisha ya Yesu. Kando ya Bahari ya Galilaya, alizungumza mifano yake ya kwanza, kwa kutumia mifano ya kawaida tena kueleza kwa watu asili ya ufalme Wake...

Mchana wote alikuwa akifundisha na kuponya; na jioni ilipokaribia, umati bado ulikuwa ukimsonga... Mwisho wa siku alijikuta akiwa amechoka sana kiasi kwamba aliamua kutafuta mahali pa kujitenga kwenye sehemu ya upweke ng'ambo ya ziwa...

Hatimaye Mwokozi alitulia kutokana na shinikizo la wingi wa watu, na kuzidiwa na uchovu na njaa, hivyo akajilaza chini kwenye shetri ya mashua, na mara akashikwa na usingizi. Jioni ilikuwa tulivu na nzuri, ukimya ulitawala kwenye ziwa lile; lakini ghafla giza lilisambaa angani, upepo ukapuliza kwa nguvu ukishuka kupitia katika makorongo yaliyokuwa katika pwani ya mashariki na dhoruba kali ikatokea ziwani.

Mawimbi, yakisukumwa kwa kasi sana na upepo uliovuma vikali, yaliipiga kwa nguvu mashua hii ya wanafunzi, na kutishia kuimeza. Wale wavuvi wenye nguvu walikuwa wametumia maisha yao pale ziwani, na walikuwa wameongoza mashua zao kwa usalama wakipita kwenye dhoruba; lakini sasa, nguvu zao na ustadi wao haukufaa kitu. Hawakujiweza katika kushikwa na dhoruba, hivyo walipotelewa na matumaini walipoona kwamba mashua yao ilikuwa ikijaa maji.

Mawazo yao yakiwa yameshikiliwa katika jitihada yao ya kujiokoa, walisahau kwamba Yesu alikuwemo. Sasa, hali wakiona kwamba kazi yao ilikuwa bure na kifo tu ndicho kilichokuwa mbele yao, walikumbuka kuwa ni nani aliyewaamuru wavuke bahari. Matumaini yao yalikuwa katika Yesu pekee. Katika hali yao ya kutojiweza na kukata tamaa walilia, "Bwana, Bwana!" Lakini giza nene lilikuwa limemfunika wasimwone. Sauti zao zilimezwa na ngurumo ya dhoruba....

Ghafla, mwako wa radi ukapasua giza, nao wakamwona Yesu akiwa amelala usingizi, bila kusumbuliwa na msukusuko. Katika hali ya mshangao na kukata tamaa wakasema, "Mwalimu, si kitu kwako kuwa tunaangamia?"... Ule mng'ao mkali ulipomwonesha Yeye, ndipo walipoona amani ya mbinguni usoni Mwake; wanaona katika mtupo wa jicho Kwake, hali ya kujisahau nafsi; upendo, na wakamlilia mioyo yao ilipomgeukia, "Bwana, tuokoe, tunaangamia."

Kamwe hakuna nafsi ambayo imepata kutoa kilio cha namna hiyo kikaenda bila kusikiwa. Wanafunzi walipokuwa wanashikilia makasia ili wafanye jitihada ya mwisho, Yesu akainuka. Akasimama katikati ya wanafunzi Wake, wakati dhoruba ikiendelea...Akainua mkono Wake, ambao mara nyingi ulitumiwa katika matendo ya rehema, na kuiambia bahari yenye hasira, "Nyamaza, utulie"... Kama Bwana Yesu alivyopumzika kwa imani katika uangalizi wa Baba, vivyo hivyo yatupasa tupumzike katika uangalizi wa Mwokozi wetu (The Desire of Ages, 333-336).